



МОНГОЛЫН ТӨМӨР ЗАМ
Төрийн Өмчийт Хувьцаат Компани

ГҮЙЦЭТГЭХ ЗАХИРЛЫН ТУШААЛ

2016 оны 09 сарын 23 өдөр

Дугаар 1/60

Улаанбаатар хот

Г

Журам батлах тухай

Г

Төмөр замын тээврийн тухай хуулийн 25 дугаар зүйлийн 5, компанийн дүрмийн 8.12.11 дэх заалтыг тус тус үндэслэн ТУШААХ нь:

Нэг. "Төмөртэй өртөө болон хоорондын замд гал түймэр гарсан тохиолдолд ажиллах журам"-ыг 1 дүгээр хавсралтаар,"Төмөр замын хөдлөх бүрэлдэхүүн замаас гарсан тохиолдолд сэргээн босгох журам"-ыг 2 дугаар хавсралтаар тус тус баталсугай.

Хоёр. Энэхүү тушаалын хавсралтаар батлагдсан журмыг мөрдөж ажиллахыг Төмөртэй өртөөний дарга О.Амарсанаад үүрэг болгосугай.

Гурав. Энэ тушаалын биелэлтэд хяналт тавьж ажиллахыг Дэд захирал Б.Эрдэнэбаяр, Тээврийн хэлтсийн дарга А.Төгөлдөр нарт даалгасугай.

ГҮЙЦЭТГЭХ ЗАХИРЛЫН ҮҮРГИЙГ
ТҮР ОРЛОН ГҮЙЦЭТГЭГЧ



Ц.ТУМЭНБАЯР

000069

“Монголын төмөр зам” ТӨХК-ийн 1 үйцэтгэх
захирлын 2016 оны 09 дүгээр сарын 23.-ны
өдрийн 160 тоот тушаалын 1 дүгээр
хавсралт

TTA8553 ф. 6214203

ТӨМӨРТЭЙ ӨРТӨӨ БОЛОН ХООРОНДЫН ЗАМД ГАЛ ТҮЙМЭР ГАРСАН ТОХИОЛДОЛД АЖИЛЛАХ ЖУРАМ

Нэг. Журмын зорилго

- 1.1. Энэхүү журмын зорилго нь өртөөний жижүүрт дуудлага ирсэн тохиолдолд орон нутгийн галын байгууллагуудад галын дуудлага өгч галын эх үүсвэрийг унтраах, иргэдийн аюулгүй байдал, эд материалыг галд автхаас аврах ажлыг зохион байгуулахад оршино.

Хоёр. Хамрах хүрээ

- 2.1. Энэхүү журмыг Төмөртэй өртөөний нийт ажиллагсад дагаж мөрдөж ажиллавал зохих бөгөөд галын бүлгэмийг байгуулж галын багажийг хэрэглэх томилгоог тодотгож галын тоног төхөөрөмжүүдийг хэрхэн ашиглах талаар жилд нэг удаа ажилтнуудад 4-өөс доошгүй цагийн сургалт явуулна.

Гурав. Гал унтраах ажлын зохион байгуулалт

Дуудлагаар гал түймэр унтраахаар очсон бүрэлдэхүүн нь дор дурдсан асуудлуудад анхаарвал зохино. Үүнд:

- 3.1. Галын эх үүсвэрийг мэдсэн даруйд мэдээллийг шуурхай дамжуулна. /Орон нутгийн галын байгууллагууд, өртөөний болон компанийн удирдлага, орон нутгийн засаг захиргаанд / / дуудлагын утасны дугаар, галын байгууллагын хаяг/
- 3.2. Гал гарсан үед өөрсдийн нөөц бололцооны хэрээр галын машин хүрэлцэн иртэл гал унтраах арга хэмжээг авна. Энэхүү ажиллагааны үед ажиллагсад өөрсдийн аюулгүй ажиллагааг хангаж ажиллана.
- 3.3. Гал унтраах ажиллагааг галын машин иртэл өртөөний дарга, даргыг эзгүйд томилгоо авсан ахлах албан тушаалтан удирдана.
- 3.4. Иргэдийг галаас аврах, амь нас, эрүүл мэндэд учрах аюулаас урьдчилан сэргийлэх арга хэмжээ авах.
- 3.5. Галын машин ирэх авто зам, гарц гармуудыг чөлөөлж тухайн гал гарсан объектод ойртох очиж ажиллах бололцоог хангаж өгөх.
- 3.6. Гал авалцах материал болон баллонтой хийн газ байгаа эсэхийг магадлан иргэдэд анхааруулах.
- 3.7. Галын ойролцоо байгаа тоног төхөөрөмж, ачаа, барааг зөөж холдуулах, хамгаалах.

- 3.8. Өндөр үнэтэй ачаа бараа, мал, амьтныг зөөвөрлөх, галын зоонаос гаргах харуул хамгаалалт гаргах.
- 3.9. Гал түймэр унтраах үед цахилгааны үүсгүүрийг салгах ажлыг гал унтраах ажлыг удирдагч хариуцна.
- 3.10. Галын машин ирж ажиллахад шаардлагатай мэдээллүүдийг гал унтраах машины ахлахад өгнө.
- 3.11. Өртөөний замд ачаатай вагонд гал гарсан тохиолдолд уг вагоныг сэлгээ хийж бусад вагоноос холдуулах ажлыг зохион байгуулна. Сэлгээний ажиллагааны үед галын машин очиж ажиллах боломжит байрлалд гал гарсан вагоныг байрлуулахыг эрмэлзэнэ.
- 3.12. Шаардлагатай тохиолдолд орон нутаг болон уурхайнуудын хүн хүч, техник хэрэгслийг ашиглаж болно.

Дөрөв. Төлбөр тооцоо

- 4.1. Галын машины үйл ажиллагаатай холбоотой зардлыг холбогдох мэргэжлийн хүмүүс гаргаж ажил удирдагчид өгнө.
- 4.2. Гал түймэрийг унтраахад гадны байгууллагаас ашиглагдсан хүн хүч, техник хэрэгслийн төлбөрийг Улсын байцаагчийн дүгнэлтийг үндэслэн барагдуулна.
- 4.3. Ажил удирдагч гарсан зардлыг хянан үзээд компанийн удирдлагад танилцуулж шийдвэрлүүлнэ.

“Монголын төмөр зам” ТӨХК-ийн Гүйцэтгэх
захирлын 2016 оны 09 дүгээр сарын 23-ны
өдрийн 160 тоот тушаалын 2 дугаар
хавсралт

ТӨМӨР ЗАМЫН ХӨДЛӨХ БҮРЭЛДЭХҮҮН ЗАМААС ГАРСАН ТОХИОЛДОЛД
СЭРГЭЭН БОСГОХ ЖУРАМ

Нэг. Зорилго

1. Төмөр замын хөдлөх бүрэлдэхүүн сүйрэл, осол, байгалийн гамшгийн улмаас өртөө болон хоорондын замд замаас гарсан тохиолдолд зөрчлийг богино хугацаанд арилгаж төмөр замын хөдөлгөөний saatlyg сэргээх ажлыг шуурхай гүйцэтгэхэд оршино.

Хоёр. Хамрах хүрээ

- 2.1. Сэргээн босголтын дуудлага хүлээн авсан Өртөөний жижүүр нь Өртөөний дарга болон компанийн холбогдох удирдлагад нэн даруй мэдэгдэж холбогдох заавар, чиглэлийг авна.
- 2.2. Сэргээн босгох үйл ажиллагаанд шаардагдах ажиллах хүч, техник хэрэгслийг төмөр замын болон бусад байгууллагуудад захиалах ажлыг Тээврийн хэлтсийн дарга шуурхай авч ажиллана.
- 2.3. Өртөөний дарга тухайн өртөөнд шуурхай ажлын баг байгуулж удирдах бөгөөд техник хэрэгслийн зардлыг өртөөний төсвөөс бэлтгэж ашиглана.
- 2.4. Шуурхай баг, бүлгийн сэргээн босголтой холбоотой хөдлөх бүрэлдэхүүн өргөх, оосорлох хэрэгсэл, тоног төхөөрөмж, эд хогшил, багаж, ажлын хувцас, материал, шатахуун зэрэг бууршгүй нөөцийг жагсаалтын дагуу байнга бүрэн бүрдүүлсэн байвал зохино.

Гурав. Сэргээн босголтын ажлын зохион байгуулах

- 3.1. Сэргээн босголтын ажиллагаа явагдах газарт зөөврийн болон утсан холбоо тавьж байрлуулан ярианы сонсголыг шалгасан байна.
- 3.2. Осол болсон газрыг хоёр талаас нь Галт тэрэгний хөдөлгөөний удирдлага, дохиоллын журамд заасны дагуу дохиогоор хааж, хамгаалах ажлыг Замын мастер хариуцна.
- 3.3. Осолд нэрвэгдэгсдэд анхны тусламж үзүүлж, ойролцоо эмнэлгүүдэд хүргэнэ.
- 3.4. Ачаа, бараа, эд зүйлс алдагдахаас хамгаалж ажиллана.
- 3.5. Сэргээн босгох ажиллагаанд оролцож байгаа ажилтнуудыг аюул осолгүй ажиллуулах ажлыг ажил удирдагч зохион байгуулна.
- 3.6. Вагоны ачаа эвдэрсэн, дутсан тохиолдолд зохих тээврийн бичиг баримтыг бүрдүүлэх, шилжүүлэн ачилт хийх, буулгаж хадгалах, харуул хамгаалалт гаргах ажлыг зохион байгуулж ажиллана.
- 3.7. Сэргээн босголтын үйл ажиллагааг төмөр замын сэргээн босголтын хүч хэрэгслээр гүйцэтгэх боломжгүй үед ажил удирдагч нь орон нутгийн байгууллагаас техник, ажиллах хүч, хэрэгслийг авч ажиллуулахыг компанийн Гүйцэтгэх захирлаар шийдвэрлүүлнэ.
- 3.8. Ажил удирдагч эвдэрсэн зам, гүүр, хөдлөх бүрэлдэхүүн, дохиолол, холбооны байгууламж, цахилгаан хангамжийг сэргээн засаж хэвийн ажиллагаанд оруулах ажлыг нэн даруй зохион байгуулна.
- 3.9. Хөдлөх бүрэлдэхүүн замаас гарсан тохиолдолд дугуйг замд оруулах “мэлхиивч”-ийг ашиглах үйл ажиллагааг авч хэрэгжүүлнэ.
- 3.10. Осол болсон газрыг гэрэлтүүлэх ажлыг ажил удирдагч зохион байгуулна.

3.11. Сэргээн босголтын үйл ажиллагаатай холбоотой ажил удирдагчаас тавьж байгаа шаардлагыг сэргээн босгох ажиллагаанд оролцож буй бүх хүмүүс заавал биелүүлж ажиллана.

Дөрөв. Төлбөр тооцоо

- 4.1. Сэргээн босгох үйл ажиллагаатай холбоотой зардлыг холбогдох мэргэжилтнүүд гаргаж ажил удирдагчид өгнө.
- 4.2. Сэргээн босгох үйл ажиллагаанд гадны байгууллагаас ашиглагдсан хүн хүч, техник хэрэгслийн төлбөрийг Улсын байцаагчийн дүгнэлтийг үндэслэн барагдуулна.
- 4.3. Ажил удирдагч гарсан зардлыг хянан үзээд компанийн удирдлагад танилцуулж шийдвэрлүүлнэ.